

宋  
金  
元  
人  
詞

樂齋詞

河內向鎬豐之

水調歌頭

短棹載湍石華月滿汀洲應知孤客無寐特地照離憂  
誰念姮娥單枕寂寞廣寒宮殿亦自

憐我塵滿袖雪盈頭兩鄉千里紫

恨何事不歸休遙想閨中今夜夜久寒生玉臂猶自倚  
高樓別淚入湘水歸夢遶鄜州

念奴嬌

木犀

霜威淒緊政悲風搖落千山羣木十里清香方感賞若  
桂嬌黃妃綠九畹堪叢東籬落葉到此成窳俗孤標高  
遠淡然還媚幽獨 惟悴詩老多情問佳人底事幽居  
空谷日暮天寒垂翠袖愁倚蕭蕭修竹林下神情月邊

風露不向雕欄曲，殿勤惟有篆烟留得。餘韻

滿庭芳 壽長母高令人

玉粉勻梅麝，麈浮柳畫簷。遲日融融金猊噴，麝庭戶轉  
香風。好是閒居戲綠，壽觴舉和滿春容。須知道，闈門孕  
秀佳氣，在簾櫳。無窮觀感，市年年此會，拚醉金鐘。又  
何須西池高宴，仙宮盡把喬松壽。兼大國秦隴重封，那  
堪更門闌多喜。女婿近乘龍。

青玉案

別時校淚花無語，但一味教郎住。此日扁舟遊遠浦。兩  
晴雲樹，月斜烟樹，目斷家何許。紅牋不寄相思句。人  
在瀟湘鴈回處。屈指歸期秋已暮。千里路，兩三頭緒。恨  
不飛將去。

又

多情賦得相思分，便覺斷愁和悶萬千般。說不盡，喚他  
圈指，被他拖逗，佛也須教恨。傳消息，無憑信。水遠  
山遙，怎生奔夢也。而今難得近，還知道為伊成病，便死  
誰能問。

小重山

翡翠林梢青黛山，小樓新卷畫簷。珠簾碧紗窻外水，按  
藍凭欄處，相對玉纖纖。人散酒闌珊，夜長都睡皺。唾  
花衫一灣，殘月下風簷。淡波去，羅襪□□□。

踏莎行

萬水千山兩頭三緒，憑高望斷，迢迢路。錢塘江上客歸  
遲，落花流水，青青暮。步步金蓮朝朝瓊樹，目前都是

傷心處。蜚鴻過盡。沒書來。夢魂依舊陽臺雨。

蝶戀花

費盡東君無限巧。玉減香銷。回首令人老。夢遶巖頭歸未。到角聲吹斷。江天曉。燕子來時春正好。寸寸柔腸。休問愁多少。從此懽心還少。少凭欄一任桃花笑。

臨江仙

再到桂林

瘦損東陽緣底事。離愁別恨難禁。夜長誰共擁孤衾。來時青鬢。在今已二毛侵。流水青山依舊是。欄梳往事空情。一番風雨又春深。桃花都落。尋贏得是清陰。

又

亂後此身何計。是翠微深處。柴扉即今雙鬢已如絲。虛名將底用。真意在鷗夷。治國無謀歸去好。衡門猶可

栖遲不妨沈醉典春衣人生行樂耳須富貴何時

武陵春

藤州江月樓

長記酒醒人散後風月滿江樓樓外烟波萬頃秋高檻  
冷飈飈想見雲鬢香霧濕斜墜玉搔頭兩處相思一  
樣愁休更照鄜州

阮郎歸

隔籬疎影照橫塘東風吹暗香隴頭歸路指蒼茫江南  
春興長偏小院靜回廊有人憑短牆角聲驚夢月橫  
窻此時能斷腸

南鄉子

白石舖

臨水窻兒與捲珠簾看畫眉雨浴紅衣驚起後爭知水  
遠山長各自悲受盡孤栖極目風煙說與誰直是為

他憔悴損尋思怎得心腸一似伊

西江月

流水斷橋衰草西風落日清笳往來贏得鬢邊華此去  
征鞍休跨烟澹綠深陂篠霜籬紅老江花青山盡處  
是儂家擬喚漁舟東下

又

門柳疎疎影日井桐策策撼秋蕭條不似那時遊只有  
山光依舊別久猶夢去夢懷多還愁新愁吹簫人在  
鴈回州不管沈郎消瘦

又

竹寺清燈永夜江城黃葉高秋當時文物盡交游將更為  
笛聲懷舊牢落一身羈思風流萬斛詩愁強邀從事

到青州酒病綿綿越瘦

又

抵死漫生要見偷方覓便求歡十分贏得帶圍寬剗地  
如今難戀 枕畔水沈烟燼床前銀蠟燒殘鴛衾不覺  
夜深寒計取有人腸斷

又

別後千思萬想眼前一日三秋小街欄檻記追遊料得  
新粧依舊 自笑非常蒂帶為他無限閑愁莫將離恨  
寄廊州聞道腰肢愈瘦

虞美人

臨安客店

酒闌欹枕新涼夜斷盡人腸也西風吹起許多愁不道  
沈腰潘鬢不禁秋 如今病也無人管真箇難消遣東



隣一笑直千金，奈茂陵情分在文君。

又

寶梳半脫文窻裏，玉軟因誰醉錦鴛。應是懶薰香口，我  
水村孤酌減疎狂。此行縱有千金笑，情味如伊少帶  
圍寬盡。莫教知嫌怕，為儂成病似前時。

南歌子

路盡湘江水，人行瘴霧間。昏昏西日度巖關，天外一簷  
初見，嶺南山。北鴈連書斷，新霜點鬢斑。此行休問幾  
時還。準擬桂林佳處，過春殘。

點絳脣

屈指新冬，蕭霜天氣重。陽後授衣時候，蘭菊香盈袖。  
此日生申維嶽鍾神秀，傾名酎。篆添金獸共祝如椿壽。

減字木蘭花

多情被惱枉了東君無限巧真箇愁人一片輕飛減却  
春 欄干凭暖目斷綠雲腸也斷兩岸青山隱隱孤舟  
浪接天

朝中措

平生此地幾經過家近奈情何長記月斜風勁小舟猶  
渡烟波而今老大歡消意減只有愁多不似舊時心  
性夜長聽徹漁歌

憶秦娥

我滿索別來先自情懷惡情懷惡日斜庭院月明簾幙  
輕羅却似於人薄而今休更思量著思量著肝腸空  
斷水雲遼邈

攤破醜奴兒

自笑好癡迷。只為倦忒。雖兒近來却得傍人。道貼兒上面言兒語。子那底都是虛脾。樓上等多時。兩地裏人馬都飢。低低說與當直底。嬌兒擡轉。喝聲靠裏看。俺麼裸而歸。

好事近

清曉渡橫江。江上寒霜白。寂寞斷橋南畔。有一枝春色。玉肌孤瘦恰如伊。此際轉相憶。且道這些煩惱看幾時休得。

點絳脣

和庭德美韻贈楊伯原

蕙怨蘭愁。玉臺羞對啼粧。面懶勻香臉。不放眉峯展。幽恨誰知錦字空傳。遠何時見。為郎腸斷不似郎情淺。

阮郎歸

湘南樓上好憑欄  
西風吹鼻酸  
宦游何處不驚滿  
白鷗盟已寒  
空飲恨  
廢追歡  
沈郎衣帶寬  
故人休故酒杯  
乾而今行路難

如夢令

道人書郡樓

舊恨新愁無際近  
水遠山都是  
西北有  
高樓  
正為行藏  
獨倚留滯滯留留家在吳頭楚尾

又次韻子文刑文

夢斷綠窻鶯語消  
遣客愁無處  
小檻俯青郊  
恨滿楚江南  
路歸去  
歸去  
花落一川烟雨

又書印百方印親印寺印壁

直面雨輕風峭極  
目水空烟渺  
家在武陵溪  
無限空  
幾

峯銷歸好歸好睡足一江春晚

又書弋陽樓

樓上千峯翠巘樓下一灣清淺寶簾酒醒時枕上月華  
如練留戀留戀明日水村烟岸

又

楊柳千絲萬縷特地織成愁緒休更唱陽關便是渭城  
西路歸去歸去紅杏一腮春雨

人

野店幾杯空酒醉裏兩眉長皺已自不成眠那更酒醒  
時候知否知否直是為他消瘦

又

誰伴明窻獨坐和我影兒兩箇燈燼欲眠時影也把人

拋擲無那無那好箇恁底我

又

所守許多時價誰信一籌不畫相送到  
藉園贏得淚珠如瀉揮酒揮酒將底江州司馬

長相思

桃花堤柳花堤芳草橋邊花滿溪而今我馬嘶  
千山西萬山西歸雁橫雲落日低登樓望欲迷

又

行相思坐相思兩處相思各自知相思更為誰  
朝相思暮相思一日相思十二時相思無盡期

菩薩蠻

小樓不放珠簾捲菱花羞照啼粧面金鴨水沈烟待君

朱共添 鵲聲生暗喜翠袖輪纖指細細數歸程臉桃  
春色深

又

雲屏月帳孤鸞恨香消玉減無人問斜倚碧琅玕蕭蕭  
生暮寒 低垂雙翠袖袖薄輕寒透庭院欲黃昏凝情  
空斷魂

清平樂

次韻王武子寄遠

離愁萬斛春思難拘來瘦盡玉肌清徹骨感損兩眉脩  
綠 畫屏羅幌輸君文鱗錦翼尤勤長記酒醒香冷笑  
將鬢子 人

卜扇子

寄內

休逞一靈心爭甚閑言語十一年間並枕時詎沒箇牽

情處 四歲學言兒七歲嬌癡女說與傍人也斷腸你  
自思量取

士平四歲解言廢道七歲猶癡皆是病損又是孺人  
所歎故特及之耳



趙待制遺稿

吳興趙雍

玉耳墜金環

即烟影搖紅

乳燕交飛曉鶯輕啣花深處畫堂簾幕捲東風晴雪飄  
香絮猶記當時院宇悄寒輕梨花暮雨緜念同夢鴛枕  
雙倚綠窗低語春已闌珊落紅飄滿西園路強拈鍼  
線解春愁只是無情緒無奈年華暗度黛眉顰柔腸萬  
縷章臺人遠芳草知煙萋萋南浦

浣溪沙

揚柳樓臺鎖翠煙楊花簾幕怕樣香緣佳人何處隔江山  
芳草已生千里恨玉笙吹徹五更寒深和淚倚闌

干

又

落盡楊花滿地春絲陰如染淨無塵日長庭院掩重門  
斜墜金釵雲半羅澹粧香臉粉輕勻相思偏是少年  
人

憶秦娥

春寂寂重門半掩梨花雪芳心如醉暗思當日金釵  
欲墜烏雲側佳人望斷天涯客今年又過清明寒食

踏莎行

畫角聲殘金爐烟裊長空澹澹連芳草朱簾半捲晚霞  
明寒鴈無情音信杳雨散雲收離多會少相思真箇  
令人老不須惆悵且開懷一樽滿引愁如掃

攤破浣溪沙

春草萋萋綠漸濃梨華落盡晚來風試問相逢何處好

小樓東 朱箔影移無限恨 玉簫聲轉曲將終 獨倚闌  
干誰是伴 月明中

蝶戀花

顏色如花肌似雪 嬌眼轉波 密意曾低說 羅帶同心愁  
未結 情多不忍成輕別 別後相思心更切 異日重逢  
鏡裏花難折 寶篆香銷煙漸歇 玉簫吹徹黃昏月

浣溪沙

翠鏤蛾眉別恨濃 羅衣初怯春風 相思只為兩西東  
簾捲玉鉤雲澹澹 香消金鴨雨濛濛 此情都在不言中

蝶戀花

枝上流鶯千轉巧 好夢方成 又把人驚覺 臨鏡慵粧眉  
澹掃 羅衣寬盡腰肢小 別久啼多音信少 應是嬌波

不似當時好簾捲  
水風深院悄  
落紅滿地和芳草

南鄉子

別久漸生愁  
知為音書苦  
未此際多箇應  
盼我凝眸帶  
得啼痕上小樓  
舉止忒風流  
只在城隍水頭  
咫尺藍橋  
重欲見無由  
兩地相思甚  
日休

人月圓

人生能幾渾如夢  
夢裏奈愁何  
別時猶口畔  
盈秋水寒  
汗濕春羅  
綠楊臺榭梨花院  
宇重想經過  
水遠山遠  
魚沉鴈杳  
分外情多

入

相思何日重相見  
山遠水偏長  
鳳弦雖斷  
鸞膠難接  
愁滿離腸  
最傷情處  
鮫綃遺恨  
翠曆留香  
故人何在  
深

陰深院斜月幽窻

江城子

仙肌香潤玉生寒。悄無言。思綿綿。無限柔情，分付與春山。青鳥能傳雲外信，憑說與，帶圓寬。花梢新月幾時圓。再團圓。是何年。可是當初，真箇兩無緣。極目故人天際遠。多少恨，凭闌干。

又

五陵衣馬恣轉輕肥。競新奇。亦何為。溷處賢愚，誰與辨雄雌。任爾刺天何足道，終不肯，羨群飛。燕山花落暮春時。杜鵑啼。勸誰歸。耿耿孤忠，惟有此心知。天賦我才終有用，應不至，負心期。

燭影搖紅

新綠成陰落紅如雨春光晚當年誰與種相思空羨雙  
飛燕寂寞幽窗孤館念同遊芳郊秀苑香塵隨馬細草  
承輪都成腸斷別久情深幾時重約聞庭院高樓終  
日捲珠簾極目愁無限莫恨藍橋路遠有心時終須再  
見休教長怨鏡裏孤鸞篋中團扇

水調歌頭

春色去何處春去尚微寒滿地落花芳草漸覺綠陰圓  
馬足車塵情味暑往寒來歲月擬掇十餘年贏得朱顏  
老孤負好林泉寶裝歎金作銜玉為鞭須臾得志紛  
華滿眼縱相設功名自來無意富貴浮雲何濟於我亦  
徒然萬事付一笑莫放酒杯乾

木蘭花慢

恨匆匆賦別回首望一長嗟欲執手臨流遲遲去馬浩  
浩平沙此際黯然腸斷奈一痕明月兩天涯南望孤舟  
漸遠今夜向誰家別來向日未曾過如隔幾年華縱  
極目層崖故人何處淚落蒹葭聚散古今難必且乘風  
高詠木蘭花但願朱顏長好不愁水遠山遐

附王國器作

菩薩蠻

題黃大癡畫卷

青山不趁江流去數點翠收林際雨漁屋遠縹緲煙  
村半有無大癡飛醉墨秋與天爭碧淨洗綺羅塵  
一巢栖亂雲

踏莎行

題破窻風雨為性初微君

潤逼疎樨寒侵芳袂梨花寂寞重門閑檢書剪燭話

巴山秋池回首人千里 記得彭城道遙堂裏對床  
夢破簷聲碎林鳩呼我出華胥恍然枕石聽流水

戊申四月初八日鈔訖 荃孫校

錢塘汪氏振綺堂本



龜巢詞

武進謝應芳

卷山溪

道問至正丙申作

無端湯武弔伐功成了賺盡幾英雄動不動東征西討  
七篇書後強辨竟無人他兩箇至誠心到底無分曉  
獨饑滿地天也還知道誰解脫銀河教淨洗乾坤是好  
山妻笑我長夜飯牛歌這一曲少人聽徒自傷懷抱

沁園春

丁酉春寓淮錢氏寫懷

冷笑班超要覓封侯棄了毛錐看今來古往虛名何用  
朝榮華夕憔悴浮世堪悲老我衣冠傍人籬落賴有手  
生鐵硯西莊上對溪山如畫幽鷺忘機相逢喜得新  
知更不用黃金鑄子期把胸中磊塊時時澆酒眼前光  
景處處題詩輕帽簪花柔茵藉草時復樽前一笑嬉沈

八集  
酣後任南山石爛東海塵飛

滿庭芳

四月錢夢錫出此為詞文迪壽遊僕試歸

玉雪梨渦錦雲桃扇紫簫雙鳳和鳴航舫初棹烟遠博  
山青最喜清和天氣絳陰靜梅雨初晴高齋策馬融書  
帳風捲絳紗輕 華年繞許幾培風健翮曾試修程歸  
來林下閒聽松聲笑道葵花似我芳心在向日長傾黃  
河水如今重看朝暮還清

沁水曲

壬戌歲旦枕上追懷

四海烟塵一樞風波經行路難幸兒孫滿眼布帆無恙  
夫妻白首青鏡猶團笠澤西頭碧山東畔又與梅花共  
歲寒新年好有茅柴村酒薺菜春盤 傍人莫笑儒酸  
已爛熟思之不要官任伏波強健驅馳鞍馬碁溪遺遇

棄擲漁竿霜滿朝，  
鞞雷鳴倚鼓，何似農家睡得安。  
開寺裏喚山童，把殿野老交歡。

自和晨起對雪後寫餘懷

雪壓新年花開想，  
滌鶯來難甚喜杯，  
有屠蘇春風澹澹，  
盤餘首藉朝日團團，  
六十年來尋常友，  
際江海鷗盟總不寒，  
移家處每涉園成趣，  
居谷名盤忘情世味，  
心酸但吟得新詩，  
似得官儘教我低頭，  
三間茅屋從他高步，  
百尺危竿白首無成，  
蒼生應笑不是當年老，  
謝安琴書裏且消磨，  
晚景受用清權。

又和屋東老梅一鉢，  
隣家有竹百餘箇，  
相近雪窗撫玩，  
復此和此曲。

竹與梅花偃蹇冰霜堪稱，  
二難我依梅傍竹，  
借人茅舍吟風弄月，  
坐箇蒲團梅樣精神，  
竹般標致，  
遮莫消暎未。

是寒柴門外好一湖春水似拍銀盤 昔人恨插多酸  
我只笑青松也拜官每醉時低唱滄浪一曲閒時高臥  
紅日三竿兒輩前來老夫說與梅要新詩竹問安餘無  
事只粗茶淡飯儘有餘歡

蘇武慢

贈徐伯樞

蘭雪衣衿芝雲冠佩咳唾成珠玉芳草萋迷蓬萊杏渺  
皎皎白駒空谷濯髮滄洲怡顏芳樹樂甚從伶絲竹問  
天生湖海元龍豪氣肯令消縮 君不見二陸聯芳三  
芳蘇接武聲動九重黃屋天上碧日邊紅杏真是快人  
心目拂袖東膠出門西笑莫戀故園松菊看濁河流水  
重清齊唱太平遺曲

滿江紅

吳江州風

怪底春風要將我紅兒翻覆行囊裏是群賢相贈數篇  
珠玉江上青山吹欲倒湖中白浪高如屋幸年來阮籍  
慣窮途無心哭歸去也却無粟吟嘯處居無竹看造  
物怎生安頓老夫盤谷寒食下水村相伴沙鷗宿問客  
懷那有幾多愁三千斛

一剪梅

弄安玄卿

一色蒼然兩阿翁年也相同月也相同六年湖海共飄  
蓬烟也冥濛雨雨也冥濛移家今住葑門東朝也相  
從蓬暮也相從何當歸隱舊山中桃也春風李也春風

風入送

寄米原道  
為生日賀

梅花折去一枝春人在太湖瀛天生襟度客江海每開  
樽坐客如雲此日醉看蓬矢吾兒應吐華茵湖光山

色淨無塵魚鳥總情親  
姑蘇臺上遙相望  
見湖山如見伊人  
綠髮年華全成白  
眉聲譽方新

風入松 梅花

歲寒心事舊相知  
相別去年時  
如今重觀春風面  
比年時消瘦些兒  
天上玉堂何在  
人間金鼎頻移  
風塵不染  
素羅衣  
脉脉倚柴扉  
桃根桃葉爭春媚  
儘教他濃抹胭脂  
老我揚州何遜  
瓏頭誰為題詩

金縷衣

表叔度新居

卜宅椒園裏  
響丁丁  
風斤月斧  
杳梁飛起  
窗戶青紅烟  
樹綠堪耀碧  
山隣里  
雞犬也知輪  
美燕子飛來堂下  
舞似輕盈掌上人  
堪喜更可愛  
新桃李  
長洲水接松  
江水好  
秋風鱸魚尊  
蓴菜葑田菰  
米艷屋神仙  
羅綺楚

舞吳歌煥晚景閃臺盤春筍奉甘旨五馬貴未足擬

沁園春

壽杜默齋時致仕寓吳門僧舍吾家與隣居馬

脫屣紅塵移家碧山娑羅樹邊有兩兒冠帶眼前騰踏  
諸孫文采膝下聯翩石几蒸香冰甌滌重筆註羲經得異  
傳餘無事但觀雲默坐聽雨高眠 龜巢幸與相連飲  
湖水清如飲菊泉問絳人甲子今踰四百皇家鐘乳何  
用三千銀艾忘情玉枝無汗一味清閑足引年昇平也  
看天恩賜帛雪髮垂肩

西江月

秋暮簡友人索酒

老大無人青眼淒涼奈爾黃花秋來杯酌斷流霞兀對  
江山如畫 夢裏去尋東老覺來欲喚西家山童羞說  
未能賒報道點茶米也

風入松

青龍地脉土酥香。屋玉似崑岡。可憐不入瑤池宴，到水壺風味淒涼。忽憶故園時序，春盤春酒羔羊。青絲生菜萸芽黃。銀鏤染紅霜。桃花人面柔荑手，酒微酣象箸頻將。鞞鼓一聲驚散，六年地老天荒。

西江月

題畫

綠樹雲林宵窈，青苔石磴縈紆。兩人林下曳長裾，應是山中巢許。空谷似聞樵斧，危橋不斷徵車。誰來為我借茅廬，來與白雲同住。

南鄉子

過王景遠溪居

四壁梅平燕一曲，清溪似畫圖。燕子日長溪館靜菰蒲。風洒軒窗暑氣無。林叟話樵蘇，相送東橋日已晡。



鳥不知人禁酒葫蘆教我提來那處沽

摸春子 早春作

看東風柳搖金縷精神頓美如許獨憐老我雙蓬鬢無  
復少年張緒桃葉渡任山水清妍可奈非吾土借人茅  
屋但有容相過清茶淡話閒與論今古傷心處客去  
臥聽鞀鼓看花渾在煙霧姑蘇臺榭笙歌散麋鹿又如  
前度誰恁悞教無限蒼生顛崖苦蒹葭州渚賴有  
箇扁舟三竿釣竹相伴閑鷗鷺

水調歌韻

中秋言懷

戰骨縞如雪月色慘中秋照我三千白髮都是亂離愁  
猶喜淞江西畔張緒門前楊柳堪繫釣漁舟有酒直清  
興何用上南樓 擐金甲馳鐵馬任封侯青鞋布襪且

將吾道付滄洲老桂吹香未了明月明年重看此曲為  
誰詎長揖二三子煩為覓菟裘

憶王孫和熊元修蘇州感興

銅駝淚濕翠苔茵落地花如墮玉人可是東君不惜春  
問花孫海變桑田幾度新

齊雲一炬起紅烟傾刻烟銷事已遷折戟沈沙月爛舡  
問新蓮安得河清憶萬年

水調歌韻茅仲良初度席上賦

秋色淨如洗南極瑞光多秦駐山中隱者孤矢挂烟蘿  
野老敲門看竹珍重主人留容呼酒瀉金荷為問春秋  
多少笑道明年六十熟業蹉跎萬鍾祿千駟馬侍如  
何洛陽城市又看荆棘卧銅駝且喜階前玉樹五色鵝

雖俱好把此琴瑟和一曲華胥引雙鬢雪兒歌

洪武九年秋余卜居千墩嘗作水調歌今也人事乖違欲還故土故復和前韻以述其情并以留別吳下諸友時十三年六月初也

牙齒露來久老氣尚橫秋買得歸耕黃犢兒輩幸無愁相近六龍城下只在三家村裏結屋小如舟倚樹覽山色且免賦登樓看官爵都不似醉鄉侯里翁閒話便同學士坐瀛洲寄語東吳朋友乘興能來涵浦艤舟聽漁謳無酒不須慮解我破貂裘

滿庭芳

熊元修序上次韻

塵拂風生薰爐烟裊劇談天上人間馮夷擊鼓白鳳舞崑山驚倒五陵年少聽三老口角鳴湍江南好梅前菊

後天氣帶微寒 容來雖話別重歌舊曲不是陽關笑  
間雲似我去時還最喜烽烟盡息青天淨一鏡團團重  
來也尋盟漚鷺訪竹問平安

點絳脣

初度作

七十年前抱麟虛負雙親夢一襟空洞生世曾何用  
老我東門瓜也無心種松醪甕瀉如鉛汞時與漁樵共  
海上歸來鬢毛枯似經霜草薄田須少茅屋圍池小  
三子犁鉏三婦供蘋蘩村居好兔園遺稿是我傳家寶  
弧矢休懸舉杯聊適棲遲意明朝冬至有酒還沉醉  
堪笑神仙要作長生計人間世金烏西墜難把長繩繫  
老眼猶明著書未了餘生債客來休怪淡飯黃齏菜  
踏雪觀梅清興依然在南門外夜來尋戴扶醉馱駝背

點檢龜巢素琴絃斷餘何有  
夫妻白首相敬如賓友

三四孫兒五色斑斕袖梅花酒為翁稱壽羅拜爺娘後

沁園春

無錫縣令生日招飲而作

借問黃花過了重陽如何始開為客中陶令逢他初度  
尊前杜舉要我相陪十日秋香百年晚景一笑今朝酒  
莫推風光好正涼生沆瀣淨洗氛埃胸中華岳崔嵬  
下筆處長江滾滾米且折花簪帽劇談清事引盃省劍  
聊適幽懷健翮低雲修鱗蹭蹬人道公非百里才還知  
否那黃河清也白日悠哉

水調歌頭

再和寄酬表子英蕭寺

六載遠相憶一日似三秋別後雪添蓬鬢著述遣窮愁  
幾度欲尋安道溪上片帆飛去興盡復回舟明月出來

海隱躍凡瓊樓 喚龍伯擊鼉鼓舞陽侯何時杯酒重  
秋蘆葉舊汀洲多謝寄來雙鯉白雪陽春數曲為我和  
巴謳什襲付兒輩好學製弓裘

南樓令 壽陳縣丞

赤手拔鯨牙長安早看花竟春風百里桑麻柳色宮袍  
銀束帶親受賜玉皇家 鼉鼓報朝衙桑弓挂綠蛇拜  
雙親杯捧流霞只恐哦松哦未了天上去又乘槎

八聲甘州 為友人贈醫士

喚嫦娥白兔下蟾宮玉杵搗玄霜自蒸蘭古鼎心融靈  
素默契岐黃不假殘膏賸馥時俗共傳方用我上池水  
遍洗膏盲 家住六龍城裏有舊家風月三徑蒼篔更  
一林新栽紅杏軟生香問年來活人多少報然微笑說

尋常誰能為寫成佳傳汗竹流芳

滿庭芳

夏五兩窗言懷

十里橫山一灣流水東洲蕞爾孤村移米田舍水山對  
衡門老我無能為矣犁鉏事付與兒孫湖田上黃梅雨  
足蛙鼓聲喧親朋三四老鬚眉雪白言笑春溫每攜  
手相過清事閑論坐把山光水色茅柴酒傾倒乾樽章  
臺路馬蹄塵土不到紫苔痕

又寄江叔原

雞犬相聞溪山如畫梅花只在前村道遙杖屨不過程  
公門前度春風已老對芳草還憶王孫長安市看花人  
去人馬爭喧正喧向來東海上水南水北如石如溫念  
溫冷詩盟何日重論老我蓬蒿三徑開懷抱賴有琴尊

公知否蕭齋雨漏四壁篆書痕

菩薩蠻

七夕作

鋒稜磨盡方藏拙老懷羞對尺孫說風葉動清商依稀似九章飄蕭雙鬢雪卧看灣灣月月缺有時閨人無再少年

水調歌頭

再和前韻

青白阮生眼皮裏有陽秋誰信近來懷抱汨汨泥窮愁昨夜僧房聽雨如在瀟湘夜泊欵枕卧孤舟無復少年日解佩醉秦樓更休說爛羊慰尉爛羊侯三山湖上如今田舍住東洲傾洞十年金革蓬勃一襟塵上白雪向誰誣濯足傍雲水披我老羊裘

水調歌頭

代陳氏謝徐彥銘



玉杵搗靈藥丹鼎養芙蓉城市山林小隱家住驛橋東  
況是南州高喬更欲止池真液冰雪爛心胸醫國手初  
試在處起疢瘡種陰德方寸地繼頤翁活人多少滿  
林新植杏花紅遮莫南山石爛又復瀛洲水淺都付笑  
談中刮目看塵表黃鵠駕天風

沁園春 寄希尹

憶昨秋風送書畫舫過揚柳洲把錦囊傾倒燈花共喜  
棹歌歸去詩草仍留坐榻高懸家童偶語此客尋常頗  
見不襟懷好比子猷尋戴別樣風流別來一日似三  
秋且喜花時可勝遊要尋山問水春中故國賦詩驪酒  
季子高止醉帽簷花吟茵藉草莫笑疎狂老未休向來  
也有堂前舊燕江上盟鷗

點絳脣 和林韻

往古來今何人不道閒居好忙多閒少應被青山笑  
蒲柳衰顏我獨驚秋早茅齋小幾番掀倒風雨都濕了  
風入松 賀宜興殷伯賢遠回

孤舟浪打石尤風霹靂浪聲中布帆喜得歸無恙繫長  
橋間似漁蓬蛟渚如今寂寂鷗波依舊溶溶 秋花開  
到雁來紅金菊對芙蓉一襟磊落都澆去飲紅灰如飲  
黃封睡到日高三丈從他衙鼓逢逢

點絳脣 謝萬仲禮忠辭

彩翼雙鳧寄來一幅天機錦純錦絕品將意何勤恁  
歲晚空山不怕冰霜凜西風緊便添袍緼被德吾無隱

八聲甘州 寄無錫錢夢錫

記年時東走避風塵隨處覓桃源  
偶相逢一笑駭山西  
畔喬木參天百尺元龍樓  
上下榻許高眠鼓我匏已瑟  
魚鳥欣然 每日春風池館有  
竹林諸阮醉袖聯翩要  
簪花捧硯常挾兩飛仙  
又安知桑田變海竟飄零老去  
雪盈顛錦袍外故人餘意肝胆雕鐫

滿庭芳三闋

五月十二萬世春

神仙有無安店華屋即是蓬壺  
榴花也學紅裙舞燕雀  
相呼水晶盤饌供麟脯  
珊瑚鉤簾捲  
蝦蟇吹龍笛擊鼗  
鼓年年初度長日盡歡娛  
風流醉翁褊褊袖舞窈窕  
歌童琵琶要與知音共換羽  
移宮玉蓮杯將酒供金蕉  
盤歸厨凍歡聲哄年年醉中岸  
幘藕花風 橫山翠屏  
藏龍古井走馬長汀  
四時花竹多風景勝似丹青好兒

郎天生甯馨好時節日見昇平氛埃淨年年壽星光照  
望雲亭

水龍吟 題曹德祥水竹居

舊家金谷園林盡隨海變桑田了一灣流水一林修竹  
菟裘將老滿洒軒窗波光隱映筆牀茶灶但溪無六逸  
林無諸阮誰想與論懷抱不用滄洲洗耳聽風前此  
君清嘯黃金臺上儂教塵土駟車爭道魚鳥情親漁樵  
邂逅不時談笑看古來行路難行真箇是閒居好

賀勝朝 馬公振見訪以詞留別喜而和之

吳淞舊雨相隣住喜復來今雨那時因遇十年艱險劍  
頭炊黍如今相見衰顏醉酒似經霜紅葉湖山佳處  
登高望遠遍題詩去

滿江紅 送馬公振

舊約尋梅蹉跎過小春時節忽隴頭人至一枝先折喜  
見春風顏色好縞衣不受緇塵澗把十年湖海舊相知  
從頭說 三滄江上滄洲雪千墩下珠林月似許詢支  
遁總皆清絕重看青山攜素手此情方解相思結待偏  
湖冰泮柳風清孤舟發

沁園春 自述

笠澤東頭翠竹漁莊滄洲釣舫看三江雪浪烟波如畫  
一蓬風月隨處留連巨口鱖魚圍臍螃蜞坐飲蓬窗醉  
即眠蒹葭畔不收琴箬意若忘筌 向來四海戈鋌好  
戰艦都成赤壁烟笑痴兒航海空尋蓬島漁郎失路漫  
說桃源漚社盟寒歌聲斷續烟水寥寥數百年玄真子

有家傳舊曲重扣台舷

鵲橋仙寄汪雨軒

青年去了青衫破了舊日青纏無了一時清興未能除  
說語故人知道春花春好秋花秋好每日看花尤好  
人生沽酒買花錢消得杖頭多少

一翦梅

三首寓意寄故人

崑岡火烈去年時玉也灰飛石也灰飛雀長鳧短總休  
提喜有天知惡有天知今年快活保妻兒歌也相宜  
舞也相宜揮金如土醉如沈休負佳期莫負佳期  
東風吹醒老梅枝南也芳菲北也芳菲月明半夜五更  
時笛也角吹角也多吹青松澗底獨離奇寒也誰知  
煖也誰知老夫聊為一獻敬梅也題詩松也題詩

一天和氣盡春暉桃也芳菲李也芳菲若教風打雨淋  
滿紅也塵泥白也塵泥花前把酒插花枝歌也相宜  
舞也相宜崔長崑短總休提長也天知短也天知

江城子

五月十二壽萬拙齋

去年今日瀉瓢天水滔滔斷藍橋阻我群仙鸞鶴赴蟠  
桃猶有桑羊偏喜跳上舞上山椒今年南極見丹霄  
射金焦瑞光搖澆去胸中磊塊儘醜醜莫厭琵琶彈舊  
曲長聽取鬱輪袍

龜巢詞補遺

武進謝應芳

如夢令

陳序具居昆陵鶴溪之陰中年以來斤斷家事黃冠羽衣恬然物外予聞而嘉之故作此以贈

滿眼青山如畫說甚玉堂金馬頭戴綠皮冠穿箇布袍  
冬夏都罷都罷心上了無牽掛

一帶鶴溪環逸溪上石田多少春雨駕龍畊種得玉芝  
瑤草堪笑堪笑海水幾翻乾了

蘿屋不經風破苔徑不教塵污漁鼓洞仙歌童子唱來  
還和閑坐閑坐窗下白雲飛過

松菜酒香春瓮更有麻姑相送日日瀉流霞添我胸中  
鉛汞珍重珍重浮世本來如夢

江城子



賀滿堂張克讓戊申正月九日初度生誕是日立春節也

阿翁初度宴重開正熙熙醉如泥春到階庭玉樹長孫  
枝坐客持杯停壽曲都聽取鳳雛啼 明年蓬矢兩弧  
垂對佳期試周期看取干戈俎丘弄金龜彭祖春秋應  
八百孫似祖與年齊

### 南樓令

老及劉景儀去秋以星術之古推測年命謂今春當即世乃預稱其且自為埋銘及賦詩自挽既而夫去行喪之費用勞勞然康強無恙予故作此曲戲而付之

生死隔年期劉伶老似癡動教人負蝟相隨驚得青蚨  
飛去了無酒飲却攢眉 春暖典春衣還堪醉似泥趁  
清明雨後遊嬉楊柳池塘桃杏鳩春水漫夕陽遲

### 高陽臺

題張德機制  
南精舍圖

陽羨溪山朝川煙雨隱然黃裏觀詩芳草王孫別來幾  
度春歸最憐屋壁藏蚪蚪化劫灰飛入昆池好堦擘書  
帶青青竹雪霏霏相逢共約歸期待玄龜出雒朱鳳  
鳴岐正壑幽尋正須重裂荷衣斬蛟射虎都休問有白  
鷗堪與忘機近西枝移我龜巢憐爾漁機

一剪梅

立春日  
成興

東風吹醒老梅枝南也芳菲北也芳菲月明夜半五更  
時笛也爭吹角也爭吹青松澗底獨離奇寒也誰知  
暖也誰知老夫聊為一畝畝梅也題詩松也題詩

沁園春

寄范山友  
人并自述

泉石膏肓塵土驅馳還家鬢霜想吟邊茗盃清風習習  
醉中琴操流水洋洋口不雌黃眼無青白鳧鶴從教自  
短長閒居好有溪蓬釣具林館書床 春風賓主壺觴  
坐蔥竹軒中挹翠香儘劇談千古神游混沌高歌一曲  
興在滄浪老我牛衣懷人馬帳誰似彭宣到後堂都傳  
語問魚書久絕兔穎何忙

又前調一首

憶昔移家著處偷生廿有餘遭幾番驚怕青霹靂滿椽  
愁悶蒼海茫茫故步全非新知悞喜穢線初無尺寸長  
龍鍾後方馬歸伏櫪拋作樵床 年來飲不盈觴也不  
愛花枝錦綉香與山僧野老交情淡淡盞蔬盃飯清話

浪浪燕子重來桃花應笑四壁空空一草堂  
儂詩債有隔年未了連日猶忙

前調

寄詞  
講主

每憶岩房端石玄雲宣毫紫霜想筆端風雨不時蕭颯  
胸中淵海無底潢洋楓落寒江草生春夢欲說天機話  
甚長知音者有真能入室好與連床梅花窗下茶觴  
小團月煮來蜜乳香覽吳淞夜月珠光瑩潔崑山霽雪  
瓊液淋漓不出門庭那知世態金玉家家要滿堂長安  
市似道腥蠅聚衆密蜂忙

江城子

前作五月十二日壽萬拙齋詞意有未盡  
乃再欲別紙寫去為拙齋覽舒逸樂之勸

去年今日訪龐公也。忽忽去城中。回首青山帶雨汗顏。  
同茅屋破來。風轉急。愁殺我浣花翁。今年一笑喜相  
逢。海榴紅照簾櫳。休把閑愁牽擊廢歌鐘。請看灰飛千  
里草金滿塢。總成空。

西江月

與鄧景文先生  
干借姜堯章詞

十載不歌金縷秋娘已負青年朝雲飛過畫樓前。無復  
為人留戀。默坐鷓鴣聲裏。尋思白石詞仙。好將花樣  
更添傳。重覩春風人面。

蝶戀花

贈萬彥述  
鶯吟重譜

一曲求凰彈越調。紅葉怨。愁風已成雙了。織翠輕裾雲

縹緲多情似有宜男草  
十月小春天氣好春到南枝  
梅蕊含微笑珍重畫眉人起早風流不讓張京兆

平軒詞

堵園王行

清風八詠樓

贈送朱彥祥有引

沈隱侯守東陽建八詠樓其地又有雙溪之勝  
故曰明月雙溪水清風八詠樓朱公子彥祥家  
本吳喜遊歷時寓東洋一住餘十載今年六月  
還訪親舊秋復南轅約來春攜其德耀驥子歸  
復故宇臨岐無以寓情因尋林鍾商曲有名清  
風八詠樓者南宋詞林所製也詞既適時譜又  
合東陽故事填一闕以餞云

遠興引遊踪遍踏天涯芳草偏愛雙溪好有隱侯舊跡  
層樓雲表碧霞丹嶂看縹緲憑欄吟嘯偶佳遇留持玄

霜歲星旋又過了 歸期誰道無據幾回首興懷攸林  
猿鳥今日相看增得翠尊同倒南翔仍訴幽抱擬待春  
空香與鷓鴣鴻侶共還池島

水調歌頭

和李琳端陽值雨

葵陽閔晴彩榴火濕朱光不知今日何日煙靄漲蒲塘  
已過清明時節未近重陽氣候對景自斟量應是家家  
雨梅子要催黃 向朝來尋舊事問江鄉共言當此佳  
序那肯負年芳雖阻綉茵闌草不廢翠蕤剪艾更結綵  
絲長昌歎縷香玉情味付霞觴

秋水晴霞

即滿江紅

寫意



客裏光陰。那更。是厭厭春雨。有如許。霏霏。惟濕。慢洒窗。飄  
戶。十日。曉寒。添故絮。一天暮色。淡平楚。詩新。新。何處倚  
吟肩。東樓住。芳草際。埋橫渚。修竹外。花連隔。便重整  
酒壺。茶具。詩豪。琴譜。狂似次公。從更醉。豪如謝。樣休誇  
舞。有情懷。只好共。漁樵。為賓主。

蝶戀花

寫懷

塵路風花。暖空晴絮。遊絲。勝有紫牽。處客懷。幸自不禁  
愁。啼鵲又憑。催歸去。細草春沙。垂楊古渡。忘機。何得  
如鷗鷺。平湖却也慰人心。片帆不礙。烟中樹。

一江春水

顧氏隱居

黃花翠竹臨溪處，正是幽人住。不嫌拄杖破蒼苔，使道  
有時煙雨也須來。隔簾塵土紛紛起，久厭襄陽市。若  
能招我作西隣，從此一溪流水兩家分。

又

鄭氏隱居

白雲紅樹秋山下，一片江南畫。門前流水帶晴沙，更是  
繞籬寒菊正開花。如何眼底逢佳處，偏許幽人住。也  
須來此置茅茨，莫待有人相寄草堂資。

沁園春

春霽

昨夜園林繞聽雨，釣簾滿眼晴色濃。霧旋消淡，風微颺  
軟絮柔絲，輕織乍翻暖翼。傍簷新燕低無力，遍徙倚池

上畫闌雲影亂澄碧 謾道逝水飛塵相將九十韶光  
誰解分得況千金清宵一刻花月香色兩相宜客裏倦  
懷時自適幾許吟嘯才情更付遊人醉邊芳草舊時南  
陌

如夢令

惜春

一日尋芳一度一樹繁花一步回首又何時流水亂紅  
無數春暮春暮幽草綠陰庭戶

又

雪景便面

滿眼落花飛絮回首瓊林玉樹巖背是何人得了灞橋  
詩句歸去歸去春在醉鄉深處

江月令

春館書事

向暖漸生慵思，尋春似減情懷。酒懷詩興總嫌深，只有  
看山不厭。薄晚正須憑檻，新晴鎮日鉤簾。幾多濃翠  
曉來添，說與白雲休占。

浣溪沙

答平遠翁送金桃

一夜東風落絳葩，幾番濃露染丹砂。熟來風味似仙家。  
摘處芳香沾玉筍，破時顏色勝金芽。小兒三採不須  
誇。

青山相送迎

訪光福王之常埋水居

埋蒼蒼水茫茫閑訪幽人山水鄉扁舟孤興長蒲舍  
霜柳含霜蒲柳蕭蕭青又黃水雲鷗鷺藏

聯芳詞 有引

青陽聲令淑氣載新萬卉未芳梅先應候繼梅  
而艷惟杏能之梅杏聯芳春物滋麗韶華九十  
二卉開端杏雖晚生見梅之清深知加敬故度  
夷則商一曲以美之曲曰品令梅亦愛杏之麗  
因答以夾鍾商之曲曰迎春樂春見二卉交懽  
不能自默亦度林鍾羽一曲以嘉賞焉曲曰解  
語花夫梅杏皆以色事春者乃能不妬忌而皆  
愛敬贊美如此可謂賢矣既賢之其詞不可不  
錄故錄之錄之者嶺嶺仙人之裔不知其名人

稱之楮園叟云

品字令

飛瓊環佩在縹緲香雲影裏水絲瑩感霞綃帳瑤階玉  
砌雪月看初霽不奈妖妍相嫵媚任天然風致綽約  
仙姿真絕世衆芳無地先得春風意右品字令

迎春樂

裁霞剪雪芳枝艷正徵醉潮丹臉露華濃洗淨殘煙染  
更不用閑妝點碎錦攬香空復念臨曉鏡碧波潏潏  
無那似嬌嬈算只有春能占右迎春樂

解語花

寒消雪點暖弄煙絲又去年時候蕙芽初透輕澗盡  
感翠波風皺淺黃暈柳微隱映琉璃孤芳秀最愛他纖指

輕輕折暗香盈袖 艷質圓應低首却休慙  
穠麗不似清瘦也還知否可人處飛燕玉環  
都有羅浮夢後更莫問前村沽酒但好婚教  
賦賦白嬌紅鎮年年如舊右研詰花

戊申四月十七日 藝風校

錢塘何夢華本

石門先生樂府近體

新喻梁寅

晝夜樂

陳金陵

秣陵猶憶豪華地，醉春風，花明媚，碧城綵綉樓臺紫陌。  
香生羅綺，夾十里秦淮，笙歌市酒帘高曳。紅搖翠油碧  
小輕車間雕鞍金轡。同遊放浪多才子，詫酣歌如高  
李。做時江海狂心懷古，虹蜺雄氣，歸卧雲廬，滿鬢十年  
間多少愁思。春夢繞度煙波千里。

燭影搖紅

後漢匈奴傳言呼韓邪單于來朝，願為漢壻。後  
宮王嬙以積怨自請行此事之實也。西京雜記  
乃云元帝使畫工毛延壽圖宮人形貌，按圖召  
幸。王嬙以賂金少，畫不及貌，王嬙當行，帝見之。



梅乃殺延壽夫元帝柔仁之主也而謂其因女  
色殺畫工余固不信而無寵自請行誠一污賤  
女子耳後之為昭君曲者多歸咎元帝殊不當  
也因此賦

深鎖宮花繡生魚鑰重門閉美人何事怨東風獨抱傷  
春意月照黃沙萬里到甕城芳心自喜樽前歌舞馬上  
琵琶籠深誰比 毳服胡妝那思舊日嬌羅綺年年秋  
鴈向南飛肯寄相思字歲久玉顏憔悴似花落梅隨流  
水草青墳上應是香魂尚含秋思

木蘭花慢

桃源

愛山中日月春漸去又還來望水繞人家雲生牕戶岫  
轉峰迴均層層絳桃千樹似丹霞散綺映樓臺世上從

教桑海人間自有蓬萊。漁郎未必是仙才。偶爾到天  
台喜相問相邀。山中殺菽樹裏搏螭緣。何便尋歸路是  
風波險處。未心灰。要似秦民深隱桃花。只好移栽。

綺羅香

天台

翠谷吞霞丹桂隱。日瑤草綠迷仙路。複宇層臺雞犬不  
知何處。花對發洞裏嬌娥。璧雙美人間。才子信奇緣。水  
合雲交。香風滿。逕共歸去。嘈嘈鸞鳳。簫管九醞。瓊漿  
碧冰盤。麟脯滄海深。深將比此情。難侶奈塵臆未斷。愁  
根被啼鳥苦催。歸思嘆多少。樂極生悲。落花思故樹。

八聲甘州

贈易自然詩雨有應

喜神龍飛雨。遍秋郊。黃河自天來。是蟠溪逸士胸中造  
化掌上雲雷。壇峙崦嵫峰。東畔稽首望仙臺。絳節霓衣擁

閩閩朝開 憑仗小心風送綠章上奏咫尺瑤階念魚  
頭赤子濺濺困夷埃賴皇穹恩波滂沛使千村萬落總  
春回人都道先生功行山嶽崔嵬

阮郎歸 自洪家還

歸來長嘯碧山阿結茅牽翠蘿衰顏借問近如何吳霜  
侵鬢多 衣短褐臥行窩眼前隨分過一溪風月與煙  
波閑中宜釣菜

醉落魄

蒼厓翠谷閑雲一片無拘束田廬村巷經行熟無取無  
求曳杖看修竹 道人邀我巖居宿小槽白酒過醞醱  
醉來共唱山中曲無價清歡何必論金玉

南歌子 或以山葡萄為歌其味與家園者無異

此蔓懸秋露，驪珠撼曉風。丹崖點漆燮，殷紅味與涼州。  
珍貢却相同。御苑堪移植，雕盤合上供。猿猱餘顆寂，  
寥中多謝樵人分。送劉山翁。

憶秦娥

為南溪廖氏題古梅

湖山曲，山頭花照湖波綠。湖波綠，盈盈仙子鏡中顏。  
玉百千年樹，繁英簇。春光却在幽人屋。幽人屋，自然富。  
貴海珠千斛。

魚遊春水

避亂還家見桃盛開

家隣千峰翠，幽徑重開荆棘裏。小桃花，艷春日，盈盈霞  
綺香入。騷人碧玉杯，色映遊女青螺髻。帶露更嬌迎風。  
大媚。古有牆東避世況，似武陵風光美。時時獨酌花  
間別，有天地不教掃。逕看尤好意，欲尋仙從茲始。巖前

白雲石邊流水

謝池春 花朝

薄寒山谷閣當亭午瀟瀟雨鳥靜桃花林水生蘭菖渚  
玉勒驄稀出油壁車何處欲簪花簪不住花紅髮白應  
笑人憔悴 春過一半東去水難西駐前半傷多病後  
半休虛負白醴醅飽尊滿紫笋山榘其心無累皆佳趣  
自辭觴酌勸客須當醉

緱山月 雨夕

急雨響巖阿陰雲暗薜蘿山中春去更寒多縱柴門不  
閉花滿徑蒼苔潤少人過 蘭舟曾記蘭汀宿牽恨是  
煙波而今林下和樵歌看風風雨雨從造物時時變總  
心和

玉蝴蝶 閑居

天付林塘幽趣千章雲木三逕風篁雖道老來知足也  
有難忘旋移梅要教當戶新插柳須使依牆更論量求  
田種秫闢圃栽桑 荒涼貧家有誰能顧獨憐巢燕肯  
戀茅堂客到衡門且留煮茗對焚香看如今蒼頭白髮  
又怎稱紫綬金章大癡狂人嘲我拙我笑人忙

破陣子

黯黯萋萋草色狼狼籍籍花枝江上煙波天共遠樹外  
雲山路更迷故人音信稀 因病從教癯酒非愁自懶  
題詩芍藥荼蘼開漸近蹴鞠鞦韆樂有誰雨偃風憊時

人月圓 春夜

三春月勝三秋月花下惜清陰錦圍綉陣香生革履光

動蘭襟 棠梨枝顛乍驚棲鵲夜久寒侵明朝風雨休  
辜此夕一刻千金

燕歸懷

上巳雨

花遲蕭條恰桃霞已盡梨雪初飄雲霧暝麗景風雨妒  
佳期山中行樂本寥寥那更值年荒酒價高諸生共高  
詠只閑靜勝嬉遊 千嶂遠暝故人遠淨坊馬水平橋  
象筵寶瑟何由見與誰共羽觴浮蘭亭遺跡長蓬蒿怎  
能勾山陰棹小舟對景度新曲獨堪向故人求

雨霖鈴

夏景

螺峯堆綠夜來經雨渾似膏沐飛泉怒瀉崖谷懸霜練  
鳴蒼玉虎跡巖前過處踏破翠苔褥聽啼鳥山北山南  
樹杪殘雲自相逐 蓬門畫掩稀來躡稱幽人獨步看

竹移床松下零露三四點乍沾湘軸日永如年況是  
閑身不受拘束休妄想鴛鴦朝班聊且伴麋鹿

金菊對芙蓉 秋思

玉刻奇峯藍拖秀水秋光渾似耶溪渺蒼烟十里白鳥  
孤飛恨無越女芙蓉艷蘭舟小桂棹輕移西風殘照  
人漁子結伴尤宜 無奈物理難齊歎魚蝦苦瘦鴈鷺  
多肥望茫茫江海今更何之溪頭綠樹親曾種耐寒暑  
應笑人衰青山千仞白雲萬頃須理荷衣

玉蝴蝶 丙午元夕

霽景烟霞五色黃金柳裊碧玉桃開是春再覩昇平氣  
象處處春回且追隨村歌里巷休耽戀綺席樓臺獨排  
徊人看月上月趁人來 因懷金陵舊曾遊翫御街燈



大遠照秦淮友勝同歡醉聽簫鼓聞春雷幾年間風馳  
雲徑千里外水複山迴是仙才。颺輪許重訪蓬萊。

訴衷情

李花當戶間桃花妍景雪兼霞春風送將春色照耀野  
人家。回蝶使罷蜂衙日初斜雙鶯窻外雙燕簾間共  
惜穠華。

浪淘沙 夜雨

簷溜瀉泉聲寒透疎櫺愁如百草雨中生誰信在家翻  
似客好夢先驚。花發恐飄零只待朝晴紅日照山庭  
曾約故人應到也同聽啼鶯。

採桑子 孟夏

舍南舍北多桃李子滿青枝曲徑冥迷新竹增高舊竹

低掃苔坐石何妨久行步常遲  
蛇立移時雲起東風日墜西

宴清都 端午

帶恨湘江水無奈遠楚雲天際千里靈均一去芳襟翠  
減香蘿青死龍舟鼉鼓齊沸歎舊俗空誇水戲樂少年  
越女吳姬王孫公子曾記南浦芙蓉東湖楊柳斜日  
歌吹綠舟載酒綸巾揮扇勝友同醉而今白頭蓬卷但  
語憤獨醒滋味好只把蘭佩荷衣從今料理

望江南 傍村之民兄弟四人坐豪奪民產遠流

山深處豺虎縱跳跟但爇體肥貪肉食那知服飽是身  
殃天網甚恢張千里外魁魁可同鄉三尺正當嚴律  
令四凶那得詫強梁稽首謝君王

天仙子 苦熱

六合似鑪雲似火熱氣蒸肌埋霧鎖此時那得羽翰生  
冰壑遇風巖坐瀑布澱衣珠萬顆未旱先愁愁怎躲  
如在巖崖唯恐墮急須霖雨慰蒼生名譽播江之左誰  
在東山深處卧

蘇幕遮 秋旱喜雨

白蘋乾紅蓼悴日減溪流塵擁渾如霧一日雲凝千嶂  
雨黃葉蕭蕭却又添新翠壑蒿煙耕草露種麥栽松  
生計那嫌暮預想登高歡會阻門掩黃花也自多幽趣

永遇樂

丙午歲仲秋與胡中山同舟往南昌至梓  
鎮而返別逾一月作此寄之中山能按秦

數定

年少羨君有如瓊樹相見何晚虎瞰山前輕船同載正

黃烟際柳迷白水邊沙 老子老來心似水肯教愁緒  
如麻扁舟來往似仙槎還家今有日那得更思家

菩薩蠻

湖口

海門西上帆如電神靈借與天風便容易見廬山雲中  
雙鶴還 風勻波不怒水碧涵山翠沽酒醉神君醉吟  
湖上春

金縷衣

泊南湖

南浦歸帆暮喜重看螺江煙柳鶴汀雲樹畫棟珠簾歌  
舞地風景已非前度只浩蕩江濤如故相望飛樓鵬翅  
展羨雄城防衛多貔虎又喜免亂離苦 舊時猶記登  
臨處共詩朋賦友同歡詠今懷古兩鬢星星今老矣却  
似荼蘼孤注歎桃李不知春去獨有洪崖香不改似於

人戀戀能相顧。招我隱有佳趣。

八聲甘州

近里有妄男子為妻所詬遂忿而遠去誓云非  
富貴不歸妻亦誓獨守無他志既歷十五年夫  
竟旅困羞歸而妻能潔身以自守獨理其家衣  
食饒給因咏以勵薄俗

記年時波蕩兩鴛鴦。雌雄各分流。恨郎情似水。妾心如  
石。此恨難休。自古恩深蒼海。富貴等浮漚。何忍輕離  
別。反愛為仇。君看江頭枯樹。縱春風。虛過。根幹仍留。  
且牽蘿。空谷蓬戶。自綢繆。想秋胡未忘故態。怕無金相  
贈。却懷羞。歸來日。郎嗔妾忿。都合冰消霧收。

清閨樂府

梁溪倪瓚

小桃紅

陸莊風景又蕭條  
堪數還堪笑  
世事茫茫更誰料  
訪漁樵  
後庭玉樹當時調  
可憐商女不知亡國  
吹向紫鸞簫

一江秋水淡寒煙  
水影明如練  
眼底離愁數行雁  
寫晴

天

白

一作

蘋紅蓼羞  
參見吳歌蕩槳一聲哀  
怨鶯起

鶯鷗眠

五湖煙水未歸身  
天地雙蓬鬢  
白酒新萸會隣近  
主酬賓  
百年世事興亡運  
青山數家漁舟一葉聊且避風塵

踏莎行

春渚芹蒲秋郊梨棗西風沃野收紅稻簷前炙背媚晴  
陽天涯轉瞬淅芳草 魯望漁邨陶朱煙島高風峻節  
如今掃黃雞啄黍濁醪香開門迎笑東隣老

鷓鴣天

笠澤沿泗十五年親知情義日堪憐偷兒三顧吾何有  
俗士羣譏自省愆 聊復爾豈其然田翁輕慢牧童顛  
乃知造物深相與急使江湖掉去船

江城子

滿城風雨近重陽溼秋光暗橫塘蕭瑟汀蒲岸柳送涼  
涼觀舊登高前日夢松菊徑也應荒 堪將何物比愁  
長絲泱泱遶秋江流到天涯盤屈九回腸烟外青鸞飛  
白鳥歸路阻思微茫

蝶戀花

夜永愁人偏起早容鬢蕭蕭鏡裏看枯槁兩葉鋪庭風  
為掃閒門寂寞生秋草 行路難行悲遠道說着客行  
真箇令人惱久客還家貧亦好無家說自傷懷抱

清平樂

在荆溪作

汀煙溪樹總是傷心處望斷溪流東北注夢逐孤雲歸  
去 山花野鳥初春漁郎樵叟南津誰識摧頹老子醉  
人推罵從嗔

凭欄人

贈吳國良

客有吳郎吹洞簫明月沈江春霧曉湘靈不可招水雲  
中環珮搖

人月圓



傷心莫問前朝事重上越王臺鷓鴣啼處東風草綠殘  
照花開 悵然孤嘯青山故國喬木蒼苔當時明月依  
依素影何處飛來

驚四一枕當年夢漁唱起南津畫屏雲嶂池塘春草無  
限消魂 舊家應在梧桐覆井楊柳藏門閒身空老孤  
篷聽雨燈火江村

太常引 傷逝

門前楊柳密藏鴉春市到桐華敲火試新茶想月珮雲  
衣故冢 苔生雨館澗塵錦瑟寂寞聽嗚哇芳草際天  
涯蝶相春暉夢華

殿前歡

搵啼紅杏花消息雨聲中十年一覺揚州夢春水如空

雁波寒寫去踪離愁重南浦行雲送冰弦玉柱彈怨  
東風

水仙子

東風花外小紅樓南浦山橫眉黛愁春寒不管花枝瘦  
無情水自流 簷前燕語嬌柔鶯回幽夢難尋舊遊落  
日簾鉤

吹簫聲斷更登樓獨自凭欄獨自愁斜陽綠慘紅消瘦  
長江天際流 百般嬌千種溫柔金縷曲新聲低按碧  
油車名園共遊絳綃裙羅襪如鉤

折桂令 擬張鳴善

草茫茫秦漢陵闕世代興亡却便似月影圓缺山人家  
堆案圖書當牕松桂滿地蕨蕨 侯門深何須刺謁白

雲間自可怡悅到如今世事難說天地間不見一箇英雄不見一箇豪傑

又 辛亥遊陸莊

片帆輕水遠山長鴻雁將來菊蕊初黃碧海鯨鯢蘭蓓  
翡翠風露鴛鴦問音信何人諦當想情懷舊日風光  
揚柳池塘隨處凋零無限思量

水仙子

周觀花間集作

香腮玉膩鬢蟬輕翡翠釵梁碧燕橫新妝懶步紅芳徑  
小重山雲一作空畫屏繡簾風暖春醒烟草粘飛絮蛛  
絲罥落英無限傷情

江城子

感舊

牕前翠影溼芭蕉雨瀟瀟思無聊夢入故園山水碧

一作

園山水碧

迢迢依舊當年行樂地香徑香綠苔饒  
沉香火底坐  
吹簫憶妖嬈想風標同步芙蓉花畔赤欄橋漁唱一聲  
驚夢覺無覓處不堪招

柳梢青 贈妓小瑤英

樓上玉笙吹徹白露冷飛瑤珮缺黛淺含顰香殘棖夢  
子規啼月 揚州往事荒涼有多少愁縈思結燕語空  
梁鷗盟寒渚畫闌飄雪

南鄉子 東林橋雨篷夢歸

篷上雨潺潺篷底幽人夢故山礧戶林扉元不閉蕭閒  
只有飛雲可往還 波冷玉珊珊一壑松風引珮環咏  
得池塘春草白更闌行盡千峰半雲間

太常引 壽壽璣

柳陰濯足水浸磯香度野蕙薇芳草綠萋萋問何事王  
孫未歸 一壺濁酒一聲清唱簾幙燕雙飛風暖試輕  
衣介眉壽遙瞻翠微

鵲橋仙

富豪休恃英雄休使一旦繁華如洗鵲巢何事借鳩居  
數載主三易矣 東家烟起西家烟起無復碧壘朱啟  
我來重宿半間雲舊製唯餘此耳

憶秦娥

昨日當賦憶秦娥一首以介石齋前木樨成開  
伴其一卮酒無使花神笑人寂寞蓋以風雨傷  
懷耳茲重改呈人作一首共  
寫呈二君却不可然也

扶疎玉蟾宮樹影闌干曲闌干曲一襟香露幾枝金粟  
姮娥鏡裏秋雲綠無端風雨聲相續聲相續不須澄

霽為酤醅

參差玉笙聲莫起  
瑤臺曲瑤臺曲輕風香浸夜涼金粟  
黃雲巧綴飛霞綠  
清吟未斷秋霖續  
秋霖續恐孤花  
意倒尊中醉

如夢令

削跡松林陵華寓  
藏密白雲深處造物已安排  
萬事何須先慮  
歸去歸去海鶴山猿同住

光緒戊申三月鈔 荃孫